



Broj: 05-04-20-3822-6/25
Maglaj, 03.10.2025. godine

Na osnovu člana 70., u vezi sa članom 64. stav (1) tačka b) Zakona o javnim nabavkama („Službeni glasnik BiH“, br. 39/14, 59/22 i 50/24), člana 25. Pravilnika o javnim nabavkama u Općini Maglaj („Službene novine Općine Maglaj“, broj 13/22) i člana 42. Statuta Općine Maglaj („Službene novine općine Maglaj“, br. 8/07, 3/08, 6/08 i 6/24), a u vezi sa Zapisnikom o pregledu i ocjeni ponuda, broj 05-04-20-3822-4/25 od 02.10.2025. godine, u postupku javne nabavke „Zaštita spomenika kulture – Tvrđava u općini Maglaj: sanacija uništenih bedema i unutrašnjih zidova od kamena, skidanje bršljana i ostalog rastinja sa bedema, i fugovanje kamena“, Općinski načelnik donosi

ODLUKU o izboru najpovoljnijeg ponuđača

I

Prihvata se preporuka Komisije za javne nabavke i ugovor o nabavci radova na zaštiti spomenika kulture, sanaciji uništenih bedema i unutrašnjih zidova od kamena, skidanju bršljana i ostalog rastinja sa bedema, i fugovanju kamena na tvrđavi u općini Maglaj dodjeljuje se grupi ponuđača/konzorciju „DKM gradnja“ d.o.o. Maglaj i „Dževkomerc inženjering“ d.o.o. Zavidovići, u skladu sa ponudom broj 88/25 od 29.09.2025. godine, po ukupnoj cijeni od 66.533,00 KM bez PDV-a, odnosno 77.843,61 KM sa uračunatim PDV-om.

II

Izabrani ponuđač iz tačke I obavezan je dostaviti dokumentaciju koja je tenderskom dokumentacijom utvrđena kao dokumentacija koju dostavlja izabrani ponuđač, u roku od pet dana od dana zaprimanja ove odluke.

III

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

IV

Ova odluka dostavlja se svim ponuđačima koji su učestvovali u postupku javne nabavke i ima se objaviti na internetskoj stranici Općine Maglaj.

O b r a z l o ž e n j e

Odlukom o pokretanju postupka, broj 05-04-20-3822-1/25 od 19.09.2025. godine, pokrenut je postupak javne nabavke „Zaštita spomenika kulture – tvrđava u općini Maglaj, sanacija uništenih bedema i unutrašnjih zidova od kamena, skidanje bršljana i ostalog rastinja sa bedema, i fugovanje kamena“, putem konkurentskog zahtjeva za dostavu ponuda. Predmetna javna nabavka objavljena je na portalu javnih nabavki, obavještenje o nabavci broj 1140-7-3-112-3-101/25 od 19.09.2025. godine. Sažetak obavještenja o nabavci objavljen je u „Službenom glasniku BiH“, broj 52/25.

Procijenjena vrijednost nabavke je 68.376,07 KM bez PDV-a, odnosno 80.000,00 KM sa PDV-om. Kriterij za dodjelu ugovora je najniža cijena.

Predmetni postupak je, u skladu sa svojim nadležnostima, provela Komisija za javne nabavke imenovana Odlukom Općinskog načelnika, broj 05-45-1-926/25 od 22.05.2025. godine (u daljem tekstu: Komisija). U toku postupka, Komisija je zaprimila pristigle ponude, izvršila njihovo otvaranje, pregled i ocjenu, prema zahtjevima i kriterijima iz tenderske dokumentacije, o čemu je sačinila odgovarajuće zapisnike, u skladu sa čl. 63. stav (5) i 65. stav (2) Zakona o javnim nabavkama.

U predmetnom postupku, Komisija je utvrdila da je blagovremeno zaprimljena samo jedna ponuda, i to ponuda grupe ponuđača/konzorcija "DKM gradnja" d.o.o. Maglaj i "Dževkomerc inženjering" d.o.o. Zavidovići, zaprimljena 30.09.2025. u 08,20h. Ponuda je prihvatljiva prema formi, obliku i potpunosti, odnosno dostavljena je u zatvorenoj koverti, na kojoj su bili navedeni svi podaci traženi tenderskom dokumentacijom. Komisija je potom, na zatvorenoj sjednici, izvršila pregled i ocjenu ponude, utvrdivši da ista ispunjava sve zahtjeve u pogledu forme, ponuđene cijene, predmeta nabavke, kvalifikovanosti ponuđača i ostalih uslova traženih tenderskom dokumentacijom.

E-aukcija u predmetnom postupku nije održana.

Po završetku poslova koji spadaju u njenu nadležnost, Komisija je sačinila zapisnik o pregledu i ocjeni ponuda, u kojem je detaljno navela sve informacije relevantne za predmetni postupak, kao i preporuku rukovodiocu ugovornog organa da ugovor za nabavku radova na zaštiti spomenika kulture, sanaciji uništenih bedema i unutrašnjih zidova od kamena, skidanju bršljana i ostalog rastinja sa bedema, i fugovanju kamena na tvrđavi u općini Maglaj dodijeli grupi ponuđača/konzorciju „DKM gradnja“ d.o.o. Maglaj i „Dževkomerc inženjering“ d.o.o. Zavidovići. Preporuka je, zajedno sa izvještajem o radu Komisije, dostavljena rukovodiocu ugovornog organa 02.10.2025. godine.

U postupku donošenja ove odluke, posebno su cijenjene činjenice da je Komisija, sastavljena od stručnih lica, pravilno i potpuno izvršila ocjenu kvalifikovanosti ponuđača, te ocjenu pristigle ponude, u skladu sa kriterijima iz tenderske dokumentacije. Ugovorni organ nije našao nepravilnosti niti propuste u radu Komisije, koji bi eventualno bili osnov za neprihvatanje date preporuke za dodjelu ugovora. Uvidom u priloženu dokumentaciju, utvrđeno je da je Komisija u svemu pravilno postupila, u skladu sa svojim ovlaštenjima i relevantnim propisima, detaljno obrazlažući svoje radnje u svim fazama postupka, zbog čega je ugovorni organ utvrdio da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu izloženog, a primjenom člana 64. stav 1. tačka b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od pet dana od dana prijema ove odluke.

DOSTAVLJENO:

1. Ponuđači – putem maila
2. Služba za urbanizam, geodetske i imovinsko-pravne poslove
3. Web stranica
4. a/a

OPĆINSKI NAČELNIK

Maid Suljaković